

თელავის მუნიციპალიტეტის საკრებულოს
სივრცით ტერიტორიული დაგეგმარების, ინფრასტრუქტურის და ბუნებრივი
რესურსების კომისიის სხდომის

ოქმი N 14

ქ. თელავი

2019 წლის 20 ნოემბერი

თავმჯდომარეობდა: კომისიის თავმჯდომარე: დავით ლაღანიძე

სხდომას ესწრებოდნენ კომისიის წევრები: გიორგი ჩაბრაშვილი, ბესიკ გაიპარაშვილი, გოჩა წაწალაშვილი, ზურაბ მუსავეი, ბესიკ ქოჩიშვილი, ვასილ არაბული, ალექსანდრე კუპატაძე, არჩილ თვალაშვილი, ირაკლი სულხანიშვილი.

სხდომას აგრეთვე ესწრებოდნენ: თელავის მუნიციპალიტეტის საკრებულოს ფრაქცია „ქართული ოცნება-კონსერვატორები“-ს თავმჯდომარე მათა მარკოზაშვილი, თელავის მუნიციპალიტეტის საკრებულოს სივრცით ტერიტორიული დაგეგმარების, ინფრასტრუქტურის და ბუნებრივი რესურსების კომისიაში მოწვეული სპეციალისტი დავით ნუსხელიძე, თელავის მუნიციპალიტეტის მერიის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის ინფრასტრუქტურის განყოფილების უფროსის მოვალეობის შემსრულებელი დავით ქსოვრელიშვილი, თელავის მუნიციპალიტეტის მერიის საფინანსო-საბიუჯეტო სამსახურის უფროსი ნათია ვაყელიშვილი.

დ დ ი ს წ ე ს რ ი გ ი:

1. თელავის მუნიციპალიტეტის 2020 წლის ადგილობრივი ბიუჯეტის განხილვის შესახებ.

მომხს. დ. ლაღანიძე

2. თელავის მუნიციპალიტეტის საკრებულოს 2019 წლის 29 მარტის N19 განკარგულებაში „საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების შესახებ“ ცვლილების შეტანის თაობაზე პროექტის განხილვის შესახებ.

მომხს. დ. ლაღანიძე

მოისმინეს: 1 თელავის მუნიციპალიტეტის 2020 წლის ადგილობრივი ბიუჯეტის განხილვის შესახებ.

მომხსენებელმა აღნიშნა, რომ თელავის მუნიციპალიტეტის 2020 წლის ბიუჯეტის შემოსულობები წარმოდგენილი პროექტის მიხედვით განისაზღვრება 24 548, 1 ათასი ლარით.

ამავე თანხით არის აგრეთვე განსაზღვრული ხარჯვითი ნაწილი, საიდანაც ინფრასტრუქტურული ღონისძიებებისათვის განსაზღვრულია 8799,3 ათასი ლარი, მათ შორის: საგზაო ინფრასტრუქტურის განვითარება -2302, 0 ათ. ლარი; ბინათმშენებლობის ღონისძიებები - 308,9 ათასი ლარი; გარე განათების რეაბილიტაცია/მოწყობა და ექსპლოატაციის -1162,5 ათ ლარი; დასუფთავების ღონისძიებები -990.0 ათ. ლარი, ჩამდინარე წყლების სისტემის მოწყობა-რეაბილიტაციისა და ექსპლოატაციის ღონისძიებები 200,0 ათ. ლარი და ა.შ

როგორც მომხსენებელმა აღნიშნა ბიუჯეტის ხარჯვითი ნაწილი არ არის ჩაშლილი, რის გამოც ჩნდება ბევრი კითხვა, რაც გამოსასწორებელია საჯარო განხილვამდე.

აზრი გამოთქვას: ალექსანდრე კუპატაძემ აღნიშნა, რომ წარმოდგენილი პროექტით საქლორატორების მოწყობა გათვალისწინებულია მხოლოდ სამ სოფელში. საჭიროა საქლორატორების მოწყობა ყველა სოფელში.

გიორგი ქიზიყელაშვილმა დააყენა საკითხი სოფელ ლეჩურში და ფშაველში საავტომობილო გზაზე სიჩქარის შემზღუდავი ბარიერების მოწყობის შესახებ. მისივე თქმით ამავე სოფლებში დასაყენებელია გარე განათების სანათები, სოფელ ლეჩურში უნდა გამოიყოს ფართი

ექიმისათვის, ასევე უნდა მოხდეს სოფელ ლეჩურში სასმელი წყლის ჭაბურღილის წყლის ვარგისიანობის შემოწმება.

ბესიკ ქოჩიშვილმა აღნიშნა, რომ ქ. თელავში სიჩქარის შემზღუდავი ბარიერების მოწყობას სჯობს დაყენდეს ჭკვიანი სათვალთვალო კამერები. გოჩა წაწალაშვილმა აღნიშნა, რომ სოფელ კონდოლში სკოლასთან საჭიროა სიჩქარის შემზღუდავი ორი ბარიერის მოწყობა. ასევე მეტი ყურადღება უნდა მიექცეს სასაფლაოების მოვლა -პატრონობის საკითხს.

გადაწყვიტეს: თელავის მუნიციპალიტეტის მერიამ 2020 წლის ბიუჯეტის საჯარო განხილვამდე გაითვალისწინოს გამოთქმული წინადადებები და მოახდინოს შესაბამისი ცვლილებები.

მოისმინეს: 2. თელავის მუნიციპალიტეტის საკრებულოს 2019 წლის 29 მარტის N19 განკარგულებაში „საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების შესახებ“ ცვლილების შეტანის თაობაზე პროექტის განხილვის შესახებ.

მომხსენებელმა აღნიშნა, რომ ცვლილების შეტანის აუცილებლობა გამოწვეულია ტექნიკური ხარვეზის გამოსწორებით, კერძოდ სოფელ წინანდალში გათვალისწინებული იყო მინი სტადიონის აღდგენა, რომლის პროექტის შესყიდვაზე დაიხარჯა 450 ლარი. განსახორციელებელი პროექტის ღირებულებამ შეადგინა 75 000 ლარი, რაც მნიშვნელოვნად აღემატებოდა განკარგულებით გათვალისწინებულ თანხას 30.000 ლარს. აღნიშნული პროექტი ველარ განხორციელდება მისი მაღალბიუჯეტიანობის გამო. სოფლის მხარდაჭერის პროგრამის ფარგლებში სოფელ წინანდალში განხორციელდება მოსახლეობის მიერ შერჩეული რიგით II პრიორიტეტი-N1 საბავშვო ბაღის სახურავის რეაბილიტაცია და მისი სავარაუდო ღირებულება შეადგენს 29 550 ლარს.

ცვლილების პროექტი ასევე ითვალისწინებს ყველა შესყიდული საპროექტო-სახარჯთაღრიცხვო დოკუმენტაციის ღირებულების ფაქტის შესაბამისად დაზუსტებას.

გადაწყვიტეს: თელავის მუნიციპალიტეტის საკრებულოს 2019 წლის 29 მარტის N19 განკარგულებაში „საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში

დასაფინანსებელი პროექტების დამტკიცების შესახებ" ცვლილების
პროექტი განსახილველად წარედგინოს თელავის მუნიციპალიტეტის
საკრებულოს ბიუროს.

კომისიის თავმჯდომარე



დავით ლაღანიძე